

## **CONVOCATORIA PÚBLICA DO XXXII CONCURSO INTERNACIONAL DE PIANO CIDADE DE FERROL ANO 2021**

De conformidade co previsto nos artigos 17.3 b) e 20.8 a) da Lei 38/2003, do 17 de novembro, xeral de subvencións, publícase o extracto da convocatoria do XXXII Concurso Internacional de Piano Cidade de Ferrol ano 2021.

### **Bases reguladoras**

As bases reguladoras do XXXII Concurso Internacional de Piano Cidade de Ferrol ano 2021 foron aprobadas por acordos plenarios do 28.01.2021 e 10.02.2021 e publicadas no BOP da Coruña nº 29 de data 12.02.2021 e no taboleiro de anuncios da sede electrónica da páxina web do Concello de Ferrol.

[https://bop.dicoruna.es/bopportal/publicado/2021/02/12/2021\\_0000001102.pdf](https://bop.dicoruna.es/bopportal/publicado/2021/02/12/2021_0000001102.pdf)

### **Créditos orzamentarios**

Os premios serán financiados con cargo a aplicación orzamentaria 05101 3301 48000.

### **Obxecto e contido**

A concellería de Cultura do Concello de Ferrol organiza o XXXII Concurso Internacional de Piano en réxime de libre concorrencia.

O concurso constará de 5 diferentes rondas: fase de preselección (enlace de vídeo), primeira ronda, segunda ronda, semifinal e final con orquestra. Gravarase e retransmitirase en streaming tódalas probas do Concurso, correspondendo a este Concello os dereitos de gravación, difusión ou emisión das mesmas, tanto en formato de audio como de vídeo.

O premio desenvolverase, nas súas fases preliminares, no Teatro Jofre. A final terá lugar no Auditorio de Ferrol.

### **Requisitos para solicitar a participación**

Poderá participar no concurso os pianistas de calquera nacionalidade, sen límite de idade e cumpran os requisitos establecidos na base terceira.

### **Órganos competentes para instrución e resolución do procedemento**

O impulso, ordenación, instrución e resolución das cuestións que deriven das bases, corresponderá ao concelleiro delegado da área de Cultura, Educación, Universidade, Deportes e Festas. En todo caso, aplicarase de xeito supletorio o establecido na Ordenanza Xeral de Subvencións do Concello de Ferrol.

Corresponderá ao dito órgano, previo os informes que considere necesarios, resolver ou determinar todas aquelas situacións non contempladas nestas bases. Do mesmo xeito, poderá adaptalas a calquera situación de forza maior que puidera xurdir.

## **Prazo de inscrición**

O período de inscrición abarcará dende a data de publicación da convocatoria no BOP da Coruña ata o 01.04.2021 ás 23.59 PM.

## **Prazo de resolución e notificación**

Entre os participantes inscritos haberá unha preselección. O xurado das probas de preselección estará formado por un mínimo de 5 profesionais de recoñecido prestixio, os cales serán nomeados a través da resolución correspondente e publicados na páxina web do concurso. No caso de que algún deles non puidera exercer finalmente as súas funcións, a organización poderá substituílo por outro membro de recoñecido prestixio.

Os participantes que resulten seleccionados serán notificados a través do correo electrónico. No caso de que algún dos seleccionados non participe finalmente, pasarase ao seguinte na lista de reservas.

Os concursantes seleccionados estarán suxeitos a seguinte orde no relativo ao desenvolvemento do concurso:

- Venres 30 de abril do 2021 ás 20.30h: cerimonia de inauguración e concerto de apertura do concurso
- Sábado 1 de maio do 2021 ás 9.00h :recepción dos participantes e sorteo
- 1,2 e 3 de maio: primeira ronda
- 4,5 de maio: segunda ronda
- 6 de maio: semifinal
- 7 de maio: ensaio dos finalistas coa orquestra/día de descanso
- 8 de maio ás 20.00h : final, deliberación do xurado e entrega de premios

Sen perxuízo da publicación dos interpretes premiados na Base Nacional de Subvenciones, publicaránse na web do Concello tanto os interpretes preseleccionados, como os resultados das sucesivas rondas, así como o resultado dos gañadores dos distintos premios.

## **Documentos e informacións que deben acompañarse á petición**

Coa inscrición, os interesados deberán achegar o seu curriculum vitae en calquera dos seguintes idiomas: galego, castelán ou inglés (en formato PDF), o seu DNI ou pasaporte, unha fotografía a cor, así como unha gravación de vídeo de piano dun máximo de 15 minutos (piano solo), a través dun único enlace de vídeo de Youtube (da mellor calidade posible). Estas gravacións deberán ter unha antigüidade máxima de 2 anos. O programa da dita gravación será de libre elección.

## **Contía dos premios**

Nos termos da base décima o xurado poderá outorgar os seguintes premios:

Primeiro premio: 15.000 euros e diploma/ Concertos coa Orquestra Sinfónica de Galicia /Concerto en Ferrol

Segundo premio: 10.000 euros e diploma

Terceiro premio: 5.000 euros e diploma

Premio “Alicia de Larrocha” ao mellor intérprete de música española: 1.000 euros e diploma

Premio “Pepito Arriola” ao mellor pianista español: 500 euros e diploma

Premio “Gregorio Baudot” ao mellor intérprete dunha obra dun compositor galego, de entre a

listaxe de compositores galegos: 500 euros e diploma.

Premio do público “Concepción Arenal” : Diploma

Premio do público “Ferrol para el mundo” (en streaming): Diploma

Un máximo de 5 mencións de honor, aos participantes destacados que o xurado considere: 200 euros e diploma.

#### **Accésit:**

- Participantes que pasen á semifinal:

A organización premiará con 100 euros a cada un dos semifinalistas, excepto se algún deles obtivera algún premio o Mención de honor.

- Participantes que non pasen á semifinal

De entre os participantes que non pasen a primeira nin a segunda ronda, o xurado decidirá a un máximo de 10 pianistas que considere, para participar no Festival Internacional de Ferrol, que se celebrará en paralelo ao concurso, polo que percibirán un accésit de 100 euros, e un diploma acreditativo. O resto de participantes que estiveran interesados en participar no dito festival, sempre que a organización estea de acordo, recibirán un diploma acreditativo.

O xurado poderá acordar a concesión dun premio ex aequo, e no dito caso o importe do mesmo dividiríase entre os participantes premiados. O primeiro premio non poderá concederse ex aequo.

#### **Criterios de outorgamento.**

Os xurados valorarán aos concursantes segundo criterios en canto a calidade artística, interpretativa, técnica e musical, entre outros factores.

Ferrol, na data da sinatura electrónica,

O concelleiro delegado de Cultura, Educación, Universidade, Deportes e Festas,

Antonio Golpe Díaz